

«Պոմպակայանների հեռացնող ջրանցքների նախագծում և հեղինակային հսկողություն» ծրագրի հանրային քննարկումների

2015թ-ի փետրվարի 17-ին ժամը 14:00-ին Եղեգնուտի համայնքի գյուղապետարանում տեղի ունեցան «Ոռոգման համակարգի բարելավման ծրագրի» շրջանակներում նախատեսվող ջրհան կայանների մոտեցնող և հեռացնող ջրանցքների շրջակա միջավայրի վրա ազդեցության վերաբերյալ հանրային քննարկումներ: Մասնակցում էին՝ Եղեգնուտի համայնքի ղեկավարը, առաջատար մասնագետներ, գյուղապետարանի աշխատակազմը, Զարթոնք, Արտաշար, Վարդանաշեն համայնքների ղեկավարներ և աշխատակազմի անդամներ, Արմավիրի մարզպետարանի բնապահպանության բաժնի պետ Գոռ Մելիքյանը, հողօգտագործողներ, «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հերիքնազ Սկրտչյանը և այլոք: Ընդհանուր առմամբ 50 մարդ:

Թեման`

„Շրջակա միջավայրի վրա ազդեցության գնահատման և փորձաքննության մասին” Մեծամորի /Տանձուտ-Եղեգնուտ հեռացնող ջրանցքների վերականգնում և նախագծի շրջակա միջավայրի վրա ազդեցության նախնական գնահատման հարցերի մասին/:


ԵԼՈՒՅԹՆԵՐ`

1. «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հ. Սկրտչյանի կողմից ներկայացվեց հանրային քննարկումների նպատակը: Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի փորձաքննական գործընթացները ենթակա են հանրային ծանուցման և քննարկման: Հանրային քննարկումների նպատակն է, որպեսզի համայնքների բնակիչները տեղյակ լինեն նախատեսվող գործունեությանը, նախագծային լուծումներին, նախատեսվող շինարարական աշխատանքներին, այդ աշխատանքների իրականացման արդյունքում հնարավոր բնապահպանական ազդեցություններին:

Հաշվի առնելով հնարավոր ազդեցության ցածր ռիսկը, փորձաքննության գործընթացում ՊՈԱԿ-ի կողմից կայացվել է որոշում` նախատեսվող գործունեության թույլատրելիության վերաբերյալ: Փորձաքննական գործընթացը կիրականացվի մեկ նախնական փուլով: Այս քննարկումների ընթացքում համայնքների բնակիչների կողմից առաջ քաշված առաջարկությունները և դիտողությունները, որոնք առնչվում են շրջակա միջավայրի վրա ազդեցության հետ, մեր կողմից փորձաքննական եզրակացության նախագծում հաշվի կառնվեն:

2. Խորհրդատվական խմբի ներկայացուցիչ ՀՀԾՆ ՍՊԸ-ն հիդրոտեխնիկ Գարուշ Խաչատրյանը ներկայացրեց պոմպակայանների հեռացնող ջրանցքների շինարարական նախագծի տեխնիկատնտեսական հիմնավորումների արդյունքները, նախագծով նախատեսված ոռոգման համակարգի բարելավման աշխատանքները և առաջարկվող նախագծային լուծումները: Նա գրաֆիկական սխեմաներում գծապատկերով ցույց տվեց առկա ջրատարները, գոյություն ունեցող ճանապարհները, նախագծված համակարգերի ուղեգծերի ընտրությունները, պոմպակայանների սպասարկման տակ գտնվող, մեխանիկական եղանակով ոռոգվող համայնքների ոռոգելի հողատարածքները և ջրի պահանջարկը` ներկայումս և ծրագրի իրականացումից հետո:

3. Քննարկումների ընթացքում ներկայացվեց բնապահպանական հաշվետվությունը: Քննարկվեցին ծրագրի իրականացման արդյունքում ակնկալվող ինչպես դրական, այնպես էլ բացասական բնապահպանական և սոցիալական ազդեցությունները: Մեծամորի համայնքի ղեկավարը



վնասակար ազդեցությունների նվազեցմանն ուղղված բնապահպանական միջոցառումները, փաստելով, որ հիմնական բացասական ազդեցությունները կառաջանան հիմնականում շինարարության փուլում և կկրեն ժամանակավոր բնույթ: Շինարարության փուլում կանխատեսվում են՝ օդի ժամանակավոր աղտոտում, փոշու առաջացում, աղտոտում շինարարական և կենցաղային թափոններով, աղտոտում վառելանյութով և քսայուղերով, աղմուկի ազդեցություն:

4.«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հ. Մկրտչյանը բարձրացրեց հարցեր, որոնք վերաբերվում էին ապամոնտաժվող խողովակների, առաջացող շինարարական աղբի և թափոնների հեռացման լուծումներին և հատվող թփուտային բուսականությանը:

5. Խորհրդատվական խմբի ներկայացուցիչ՝ ՀԳՇՆ ՍՊԸ-ն հիդրոտեխնիկ Գարուշ Խաչատրյանը պատասխանեց որ առկա են թափոնների հեռացման վերաբերյալ համաձայնեցումները, խողովակները պատկանում են տարածաշրջանի ԶՕԸ-ը և կտեղափոխվեն համաձայնեցված վերջինիս հետ: Իսկ շինարարական աշխատանքները կիրականացվեն ոչ վեգետացիոն ժամանակահատվածում:

6. Արմավիրի մարզի Եղեգնուտի, Արտաշարի համայնքների ղեկավարները հարց բարձրացրեցին, Նոր-Արտազերսի հատվածում ջրանցքի մեջ ապօրենի կառուցված երկու դիմահար շյուղների ապամոնտաժման մասին, որ պարբերաբար պատճառ է հանդիսանում այդ հատվածում վթարային վիճակների և սամանափակում է ջրանցքի նախագծային թողունակությանը, ընդամենը 15 հա պտղատու այգի ոռոգելու համար, ջուրը ուղղվում է հողին և ջրանցքին, հակառակ ուղղությամբ: Այդ վիճակից դուրս գալու համար առաջարկեցին, որպեսզի նոր- Արտազերսի 15-20 հա այգին ոռոգելու համար ուսումնասիրել նախկին հունով ջրվող ջրատարը և կառուցել նոր ջրատար 300-ից քիչ ավել երկարությամբ և հարցը կստան լուծում, իսկ ջրանցքը նախագծային թողունակություն: Այլ բնապահպանական խնդիրներ չկան:

7. ՊՈԱԿ-ի մասնագետ Հ. Մկրտչյանը պատասխանեց, որ իրենք այդ հարցը կբարձրացնեն, կրկնակի կուսումնասիրեն և կգնահատեն խնդիրների կարևորությունը:

Մասնակիցների ցուցակները ներկայացված են Հավելվածում:

Եղեգնուտի համայնքի ղեկավար



Ռ. Մարգարյան

Ժողովի քարտուղար

Ս. Ալեքսանյան

ՀԳՇՆ ՍՊԸ-ն հիդրոտեխնիկ

Գ. Խաչատրյան